


КЪМАСЕР-и ЯЗЫЧУДАРЫНЫ СОЮЗУНУ БЛА ВЛКСМ-и ОБЛАСТЬ КОМИТЕТИНИ ЖУРНАДЫ

Нюр



КЁКДЕН ЮЛЮШ АЛГЪАНЛА

Сыйлы байрамыбыз — Уллу хорлау-
ну 40 жыллыгы жууукълашып келеди.
Фашистлени ууатып, жерге тынчлыкъ,
рахатлыкъ келтирген Совет солдатха
биз минг да махтау айтабыз.

Совет танкистлеге, жыяу аскерчиле-
ге, артиллеристлеге, тенгизчилеге, лёт-
чиклеге... — Туугъан жерибизни батыр
уланларына ыспас этебиз!

Къабарты-Малкъарны жашлары
фронтода атларын иги бла айтдыра
сермешгендиле. Мингле бла аскерчиле
орденлеге, майдаллагъа тийишли бол-
гъандыла.

Ахшыланы да ахшыларыны санында
Къабарты-Малкъарны къушкъанат жаш-
лары сыйлы жерибизге чапхан душ-
манны ууатыр ючюн къанларын-жан-
ларын аямай сермешгендиле.



Байсолтанов Алим, айтхылыкъ
шахарибыз Ленинградны къоруулай,
кёл фашист къыртчыгъаны агъызгъан-
ды. Балтий тенгизде душманны аз кемс-
син батдырмагъанды. Урушну эм къый-

ын кезиуянде гвардияны капитаны лётчик-истребитель Байсолтанов Алим Совет Союзну Жигити деген атха тийишли болгъанды. Батыр лётчибизни эсермесине къарай, яныкойчу жашчыкыла да анга ушаргъа кюрешедиле. Нальчикни эм ариу орамларындан бири, школларындан бири жигит лётчикни атын жүрютедиле.

КАНҚОШЕВ АХМЕТХАН да Совет Союзну Жигити деген аты республикабызда биринчи алгъанладанды. Биринчи сермешиден башлап, ахыр ууахтысына дери, душманига тутхан дерти кёкюрегинде къайнай, чынтты жигитлики юлгюсюн кёрюзтгенди. Отжюрск Ахметханны кызыл жулдузду самолёту, сермешге арсарсыз кирип, душманны къара кюкюне къаты от ачып болгъанды. Ахметхан бла аны антлы тенглерни душманны самолётлары кёкде кёрселе, ала кёпдюле-аздыла деп къарамай, арсарсыз чабып, от ачып, фашист лётчиклени низамлары бузуп, кеслерине уа аскер махтау алгъандыла.

КУЗНЕЦОВ ГЕОРГИЙ уруш жыллада Север флотну лётчиклерини эм батырларындан бири болгъанды. Тенглерни бла бирге, энчилей да ол хауа сермешден хорлаулу болмай хазна къайтмагъанды. Георгий Кузнецов уруш жыллада жыйырмадан аслам душман самолётну Барени тенгизни сууукъ толкыпларына кёмгенди, кёп фашист кемени батдыргъанды. Урушдан сора жыллада авиацияны генералы Георгий Кузнецов жаш лётчиклени юйреткуче уллу кыйын салгъанды.

ЧАБДАРОВ ИБРАГИМ, республикабызда биринчи болуп, «СССР-ни самолётла сынаучу сыйлы лётчиги» деген аты алгъанды. Ол аты алгъынчы уа Уллу Ата журт урушну кёгюнде жигитча сермешгенди, аскер саугъалагъа тийишли болгъанды. Арта уа, жангы ишленген самолётланы «ушаргъа юйреткучю» болуп, атын кёп кере махтау бла айтдыргъанды. Тауушдан да терк

учхан самолётланы кёбюсюн бийиклени да бийигинде таулу жаш Чабдаров Ибрагим сынап келгенди. Айтхылыкъ конструкторла уа аны сынам тергеулерин чотха ала, жангы самолётланы алай хазырагъандыла.

КАНУКОЕВ НАЗИР Уллу Ата журт урушну жылларында кёкде, жерде да жыйырма бла ондан аслам душман самолётну жокъ этгенди. Назир бла тенглерини уруш жоллары гитлерчилени уилары Берлинде бошалгъанды. Айтхылыкъ лётчикни алтын жулдузу лачинкъаячы жашны уруш бошалгъандан сора да жыйырма жыл чакылы излеп айланганды. Тапхынчы излегенди Совет Союзну Жигити Канукоев Назирни.

ГАЕВ МУХТАРНЫ ауур бомбардировшиги сермешдени эм къаты баргъан жерлерине жетип тургъанды. Аны бомбаларыны отунда кёп фашист техника, кёп душман аскерчи күйгенди. Бызынгылы жашны самолёту партизанлагъа, кършоугъа тюшген аскерчилерибизге да сауут-саба, дарман-дары ётдюрюп аз болушмагъанды. Ачы сермешледе күйюп, тешилип, тозурагъан самолётун Мухтар аэродромубузгъа кючден-бутдан жетдирген кюнае да болгъандыла. Алай Гаев бла аны жигит тенглерини бомбардировшиклери Прибалтиканы, Белоруссияны, Украинаны, Польшаны да азатларгъа табыла, кёп махтаугъа, ыспасха да тийишли болгъандыла. Гаев Мухтар а уруш бошалгъандан сора да тюрлю-тюрлю кюулукълада ишлей, атын иги бла айтдыргъанлай келгенди.

Мамыр кёгюбюзде акъ ызын къоя, женгилкъанат самолётларыбыз учадыла. Аланы жүрютгенде уруш отун сынамагъан, алай уллу билимли жашларыбыздыла. Ала сыйлы жерибизни, мамыр кёгюбюзню сакъ къалауурларыдыла, махтаулу Совет лётчикледиле. Алай керек болгъан кюнде, кёкден юлюш алгъан таматарарыча, Ата журтубузну къроруларгъа хазырдыла.



КЪАР ЖАУАДЫ

МАГОМЕТ МОКАЕВ


Миникте кымыздуу ууртук,
Дер-де-де, ичери жа унутук,
Теректеп кымыздык Мукуур,
Сам-кымыздык, кымыз ууртук,

Мукуур, кымыздык кымыз, кымыздык,
Чыкмыздык, кымыздык, кымыздык,
Кымыздык, кымыздык, кымыздык, кымыздык,
Кымыздык, кымыздык, кымыздык, кымыздык,

Биринчи Мукуур, кымыздык кымыздык,
Кымыздык, кымыздык, кымыздык, кымыздык,
Кымыздык, кымыздык, кымыздык, кымыздык,
Кымыздык, кымыздык, кымыздык, кымыздык,

Кымыздык, кымыздык, кымыздык, кымыздык,
Кымыздык, кымыздык, кымыздык, кымыздык,
Кымыздык, кымыздык, кымыздык, кымыздык,
Кымыздык, кымыздык, кымыздык, кымыздык,





БУЗЛУ ТЕНГИЗНИ БОЙНУНДА

Шуёхчугъум, сен кюн тууушлу Къабарты-Малкъарда жашайса. Жазгы-да кёпгө дери кюн батмай тургъан жер болгъанын а билемисе? Билмей эсенг, билип къал: анда сау төрт айны кюн тийгенлей турады. Къышхыда уа, танг атмай, кечени узунлугъу эки айгъа созулады. Алай кечеге «поляр кечен» дейдиле. Ол Северде — Шималда болады. Эринме да, Ата журтубузну картасына бир къарачы. Аны бек башында сен узун тартылып тургъан ызлыкъны кёрлюксен. Поляр гюрениди ол. Кольский деген жарым айрыкам ол гюрендеди. Мурманск область да, шуёхчугъум, андады.

Мурманск — областны ара шахарыды. Ол шахарда тенгизчиле, кеме ишлеучюле, чабакъчыла жашайдыла. Ким биледи, ананг санга биширген чабакъны да ол чабакъчыла окъуна тутхан болурла. Чабакъчыланы кемелери узакъгъа, бек узакъгъа ба-

радыла. Африкагъа жетип да къайтадыла.

Мурманск шахарны богъазында атом кемеле да бардыла. Буз ууатыучу уллу кемеле — «Ленин», «Леонид Брежнев», «Сибирь», бичакъ бла кесгенча, бузлу океанны къалын бузларын жырып барадыла. Алай бла бирси кемелеге ала жол ачадыла. Ол кемеле аш-азыкъ, къурулуш керекле, магъдан да ташыйдыла. Атом кемеле болмасала, Норильск, Певек, Дудинка, Тикси деген шахарлада жашагъанла бек къыйналлыкъ эдиле.

Аладан сора да Мурманскеде къыйын, алай сыйлы къулулукъларын бардыра, таукел тенгизчиле жашайдыла. Ата журт урушну заманында сени жерлешинг, айтхылыкъ аскер башчы, адмирал Арсений Григорьевич Головкин Север флотха таматалыкъ этгенди. Ол, Прохладна шахарда туууп, анда ёсгенди. Ким биледи, сени къадаарынг да аны къадаарына ушарыкъ эсе уа? Сен бусагъатда школгъа жюрюйсен. Школну бошасанг, санга къайры да

жолла ачылып къаллыкъдыла. Болургъа суйсенг, кемечи да болаллыкъса.

Алай бу затны уа эсингде тут: тенгизчиле бек жигит, къарыулу адамладыла. Север тенгизчиле уа бюгюн да къыралыбызны сакъ къалауурларыдыла.

Сен, шуёхчукъ, сабанлагъа да баргъан болурса. Бизни Къабарты-Малкъарны сабанчылары, нартюх, будай ёсдюрюп, къалай кёп мирзеу жыйгъанларын кёргенмисе? Кёрген эсенг, игиди. Таулу сабанчыланы махтаулу жетишимлерине «Апатит» деген комбинатны ишчилери да себеп боладыла. Ол комбинат Севердеди. Сабанлагъа бек керекли семиртгичле келедиле андан. Сен жашагъан Шимал Кавказда Калмыков бла, Калабеков бла бирге Совет властны орнатхан Сергей Миронович Киров Кольский жарым айрыкамны урунганларына ол уллу комбинатны ишлерге болушханды. Комбинат кёп жылдан бери кесини хайырлы ишин тохтаусуз бардырады.

Байды Мурманск об-

ластны жери. Кандалакша-
да магданчыла алюминий
чыгъарадыла. Ковдорда —
темир, Никель бла Запо-
лярныйде — никель, те-
мир. Мончегорск бла Ни-
кельде темир эритиучюле
ишлейдиле. Сени жерле-
шинг Владимир Каиров да
аладан бириди. «Къырал-
ны сыйлы темир эритиу-
чюсю» деген атны жюрию-
теди.

Северде энергетикагъа
уллу эс бурулады. Нива
бла Паза деген череклени
жагъаларында бир къауум
электростанция ишлейди.
Поляр танглары деген эл-
де уа атом электростанция
окъуна барды. Аланы ток-
лары заводлагъа, фаб-
риклеге, юйлеге барады.

Тундрада геологла не-
че да, кюн да ишлейдиле.

Къыралгъа бек керекли
магданланы излейдиле.
Ишчиле бла инженерле
анда жерни 12 минг метр
теренликге тешгендиле.
Битеу дунияда ол эм те-
рен тешикге саналады.

1984 жылда бизни къы-
ралда геологланы халкъ-
ла аралы кенгешлери бол-
гъанды. Ары жыйылгъан
геологла, тыш къыраллы
алимле, ол терен тешикге
къарар ючюн Заполярный
деген шахаргъа баргъан-
дыла. Ала совет илмуну
бийик жетишимлерине
сейир этгендиле. Бизни
геологла жер юсюнде,
жер туюбюнде иш барды-
рыу бла чекленип къал-
майдыла. Баренц тенгизде
да нефть излейдиле.

Северни жери къыйын

жерди. Алай мында да
адамла жерчилик бла кю-
решедиле. «Печенга»,
«Северный», «Тулома» де-
ген совхозлада малчыла,
тауукъчула, кёгетчиле уру-
надыла.

Лапланд бла Кандалак-
шаны бир къауум жерле-
ринде уугъа чыгъаргъа эр-
кинлик жокъду. Жаныуар-
ланы жашауларын къоруу-
лау, табийгъатха сакъ бо-
луу керекди. Алимле
Кольский жарым айры-
камда битимлени къалай
ёсгенлерине, жаныуарла-
ны жашау халларына да
къарайдыла.

Мында урунганлагъа
иш аз туююлду. Теркирек
ёсюп уллу бол да, бери
кел, шуюхчугъум. Санга
да иш табыллыкъды.

М. Журтубаев кёчюргенди.



АХМАТ СОЗАЕВ

Чуу, чуу, чуу ала,
Кюнден толады тала...

Аппа гебен этеди,
Ынна батан элтеди.

Жашларындан туугъанла,
Ташдан суу чыгаргъанла,
Къадапын чалгъы чала.
Чуу, чуу, чуу ала.

Чуу, чуу, чуу ала,
Кюн энди чыкъдан къарай...

Тепсей турады терек,
Кийгени уа — кёк кёлек.

Жол бүлүтнү күүады,
Отдан къалач тууады.

Бал ийис эте тала,
Келдим, шаудан суу ала...
Чуу, чуу, чуу ала.

Жагъафар Токумаев

АЛДАРБЕКНИ ЖАНГЫ ХАПАРЫ

— Жанчыкъларым, бир бирле парт Алдарбек дейдиле манга. Алай нек айтханларын а билемисиз? Билмей эсегиз, айтайым, Тынгыдагъыз... Хы, сиз манга кечгинлик беригиз, ол иш къайсы жыл, къайсы кюн болгъаны эскиде туююлдо. Баям, мындан минг бла төрт жүз жыл алгъа болгъан болур эди. Мени хайт

деген заманым эди. Биз, таулула, ашап-жашап, бир тюрлю хатабыз, къайгъыбыз да болмай, тынч тура эдик. Алайлай: «Душман келеди, уруш болады!» — деген ачы хапар эл-элге жайылды.

Бизни таулу патчахыбыз — Элия, терк окъуна аскер жыйып, душманны аллына атланды. Элияны аскери бла мен да тебиредим. Ол заманда ушкок, керох деген затла жокъ эдиле. Жалын да — уллу бичакъ, тыякъ, къазыкъ, сенек. Садакълары болгъанла аз эдиле. Хар ким, къолуна тюшгенин алып, Ата журтун къорууларгъа бара эди. Мен да, къарт атамы эки айрылы сенегин алып чыкъгъан эдим жолгъа.

Патчахыбыз, аны ёзюрлери, аскер башчыла, атлагъа минип, биз а — къара халкъ — жыяу бара эдик. Бара-барып, бир бийик сыртта башына чыкдыкъ. Сора узакъда тауланы, ёзенлени толтуруп келген душман аскерни кёрдюк.

Бир ауукъдан сора биз душман бла бетден бетге къарап къалдыкъ. Душман аскерни арасындан бийик кёксюл ажирге минген биреу алгъа чыкды. Аны башында алтын тажы бар эди. Белинде уллу бичагъыны сабы да, ат кереги да — алтындан.

— Эй, сиз кимлесиз? — деп кычырды ол ёхтем ауаз бла.

Биз малкъарлылабыз! — деп таукел айтды Элия патчахыбыз. Ол алай айтханлай, алтын тажлы харх этип кюлдю.

— Сиз мени ким болгъанымы билемисиз? Мен Сары-ханма, Сары-хан, — деди биягъы алтын тажлы. — Кюнчыгъышдан башлап, бери дери битеу аллымда тюбеген аскерлени, халкъланы да хорлап, бойсундуруп келеме. Алыкъа манга баз болалгъаннга мен жолукъмагъанма. Сизни кибик белгисиз миллетчиклени уа кёбюсюн жокъ этгенме жер юсюнден. Уллугъуз, гитчегиз да кырылып къалыргъа сюймей эсегиз, жолумдан тайыгъыз!

— Угъай, тейри, «жууугъум!» — деп басымлы айтды Элия патчахыбыз. — Биз туугъан жерибизни эндиге дери да къоруулай келгенбиз, жаныбыз сау къадарда, энтда къорууларбыз!

Элияны алай айтханына Сары-хан сейир этип къалды. Сора, артха кетип, ёзюрлери бла, аскер башчылары бла кенгешди. Кёп да турмай, ол биягъы бизге айланды.

— Мен сизни таукеллигизге бек бюсюрегенме, — деди ол. — Кишиликлери болгъавлагъа мен хурмет эте билучюме. Аны себепли, малкъарлыла, мен бюгюн сизни бла уруш этмейме. Алай, келигиз, биз да, сиз да, бирер пелиуаны арагъа чыгъарып, аланы тутушдуруп кёрейик. Кимни пелиуаны онглу болса да, хорлагъаннга ол саналсын. Болсунму алай?



Элия патчахыбыз ёзюрлери, аскер башчылары бла да кысха кенгеш этди.

— Болсун алай, болсун, — деди Элия патчахыбыз Сары-ханнга.

Элия алай айтыр-айтмаз душман аскерден, гебен кибик, бир мазаллы пелиуан бери — бизге туурагъа — чыкды. Башы — эсирик ёсген харбыз чакълы бир, къоллары да — уллу къалакълача. Аны кёргендей, бизни ахыбыз кетди. Патчахыбыз да абызырады.

— Хайдагъыз, бизни пелиуаныбыз хазырды! — деп кычтырды Сары-хан.



— Къайсыгъыз базынасыз чыгъаргъа? — деп, Элия патчахыбыз кесини аскерине ахшы умутлу сѣлешди. Бир деп бир адам жеринден кымылдамады.

— Тутушур адамыгъыз жокъ эсе, айтхан этнгиз. Аман къркъакъла, бизни пелиуаныбыз кѣп сакъларгъа сюймеучюдо, — деп, кѣл кенгдирди Сарыхан.

— Бетибиз жоюлады. Бир мадар, бир мадар! — дей, дыгалас этди Элия.

— Угъай, бетибизни жойдурма-

быз! — деп, мен алгъа таукел чыкъдым.

— Болалырмыса, харип, Алдарбек? — деп, патчахыбыз манга эриулю къарады.

— Буюрулгъаны болур, — деп, душман пелиуаны къатына таукел жууукълашдым. Тюз да мени кѣргенлей, Сарыханга да, аскерлерине да бир уллу кюлкю тарыды. Пелиуан, кѣп сагъыш эте да турмай, юсюме атылды. Эрлай нмбашларымдан тутуп, къуш эрленип кѣтюргенча, мени ѳрге кѣтюрдю. Мен да аны жагъасына жабышдым. Мазаллы пелиуан мени урчукъча айландырып тебиреди. Алай бура келип, сызып иер умуту болгъанын сездим.

Пелиуан мени эки-юч кере да сызар умут этди. Мен а сыздырмадым. Жагъасына, мырхыкча, жабышханлай къалдым. Ол, чамланып, мени къатыдан къаты силкиндире башлады. Бир заманда аны къарыуу тауусулуп, теитирей башлагъанын сездим. Баям, башы тѳгереке айланып болур эди. Ахырда, сызып иялмазып билип, кѣтюрюп, мени жерге урду. Къалай эсе да, жыгъылмай, аягъы юсюме тюшюп къалдым. Алайда сермен, белинде къара жыжымдан тутдум да, ояг аягъым бла аны сол аягына чаллиу этдим. Бирздан а экибиз ла онгеуз болдукъ.

— Биз бу тутушну, кел, текг бошайыкъ, — дели ол мени къулагъама. Мен унамадым. Къарагъанымда — кюн батып бара тура эди. Биз а тюшге дери башлагъан эдик тутушуп. Алайлай... пелиуан, къая аугъанча, «горф» деп, тюшюп къалды. Олсагъат мени да эсим ауду. Эс жыйып, жангидан дуния жарыгына къарагъанымда: «Нарт Алдарбек, нарт Алдарбек!» — дей, Элия патчахыбыз башымы сылай тура эди. Аскерибиз да къууанч эте, Сарыхан а, аскерин да ызындан тизип, кетип бара эди.

— Эй-хей, пелиуанынгы унутуп бараса, ала бар! — деп кычырды аны ызындан Элия патчахыбыз.

— Мен сермешде, тутушда хорлатхан адамымы биргеме элтмеучюмс, — деди Сарыхан. Сора кѳзкѳрмезге узайып кетди. Биз а той этдик, къууанч этдик.



Минги тауну эки да жанында, бир кышну эки кы-
натыча, Кырачай бла Малкыр ашап-жашап келгенли,
дейдиле, ёмюрле озгандыла.

Адетлери, тиллери бир, мураглары, ниетлери да
бир — бу эки халкы тууган кырындашлача жашайды-
ла. Бирин бирин ариу кёре, кыонакы эте, сыйлайдыла.

Ол ахшы адетле уллудан гитчеге ёте, халкылары-
быз да бир бирге биклекли эте келген кыадарда уа
сабийле да таматаларына ушаргыа кюрешедиле. Тенг-
чиклерини юслеринден халар билирге, ала окыуганни
окыургыа сюедиле.

Алайды да, «Нюрно» редакциясы малкырлы са-
бийлени Кырачайны жазычуларыны суратлау чыгар-
малары — халарлары, назмалары бла шагъырей этерге
умутлуду.

Бююн бизни сыйлы кыонакларыбыз: Хубийланы
Магомед, Кечерукъланы Байдымет, Батчаланы Алий-
Мурат, Батчаланы Башир, Ёзденланы Альберт, Батчала-
ны Земфира, Ёзденланы Якубдуна.

ХУБИЙЛАНЫ МАГОМЕТ

ТЕРЕКНИ ЖАШЧЫГЪЫ

Эртте-эртте бийик тауну этегинде
уллу агъач болганды. Анда уа субай
назы терекле ёсгендиле. Аланы кыатла-
рында жангы чыкыган жаш терекчик-
ле да болгандыла. Уллу терекле аланы
кеслерини сабийлерине санагандыла.
Жайылып ёсген бутактары бла кесле-
рини сабийчиклерин жай псиден, кыш
сууукъдан сакылагандыла.

Агъачны тюз да кыйырында ёсген
бир назы терекни да алай жашчыгы
болганды. Терек кесини жашчыгына
Ёлка деп атаганды. «Кыйырда эсем
да, насыплым — мени кыалай ариу
жашчыгым барды, мени сейирлик Ёл-
качыгым», — деп, Терек насыплы жа-
шаганды. Жашчыгына асыры кыуан-
гандан, кюндюз кюннге салам берген-
ди, кече жудузла бла ушакы этгенди,
жюреги уа не бийик таудан да бийик
болганды.

Ол агъачдан узакъ болмай, бир элде
уа Рустам деп бир жашчыкы жаша-
ганды. Жангы жылны ал кюнюнде ол
атасы Харунга келгенди.

— Мени ёлкам жокъду, кыалган
жашчыкылаи уа барды. Сен манга бир
ёлка тап, — дегенди Рустам.

Жашчыкыны мудах этмез ючюн Ха-
рун, балтасын да алып, агъачха теби-
регенди. Агъачны кыйырына жетген-
лей окыуна уллу назы Терекни кыатын-
да Ёлкачыкыны кёргенди. «Кыалай иги
болду, узакъгыа да бармагъанлай, бы-
лайда табып кыйгъаным», — деп, жо-
тю балтасы бла бир ургъанлай, Ёлка-
чыкыны аудурганды.

— О хахай, мени кесип алып бара-
ды, манга болушугъуз! — дей, Ёлка-
чыкы, жилип, Терекке кычыргъанды.
Алай тюбю бла кесилген Ёлкачыкыгъа
Терек кыалай болушаллыкы эди...

Ёлкачыкы, жолну жол узуну жилий-
жилий, Харунну арбасында келгенди.
Харун арбазгыа киргенлей, Рустам,
кыуанып, аны аллына чапханды.

Кыарангы болгъанлай, Терек, элге
келип, Рустам жашагъан юйю терезе-
синден жапыртын кыараганды. Кы-
раса уа — Ёлкачыкы, юйню тюз да ор-
тасында жасалып, юсюнде тюрю-тю-
рю боилган ариу чыракыкыла, теге-
регинде да ариу кийинген жашчыкыла
бла кызыкыла. Ала, бири бирини
кыолларындан тутуп, жарыкы жырла-
рын айта эдиле.



Терек жашчыгы Ылкачыккы алай
кергенне бек кыуанганды Сора, арт
хи, агыааа барганды. бирен тереккеге
капар айтханды

Мени Ылкачыгым пасыпкы бол
ганды Жылы юйде омак жасалып
яндап да ариу болуп турады
Талай кюн озгандып сора Терек,

жашчыгына танык болуп, биягы
элге тебирегенди. Алай арбазга кир
гендей октуна мудах болганды. Аны
Ылкачыгы, юсюнде илгяулары да алы
нып, арбазла кыаргы атылып тура эди

Терекки келю жер бла тег болган
чы Ол, жетип, жашчыгын кыуачгына
алганды Сора биргесине агыааа
алып кетгенди

ЕЗДЕНЛАНЫ ЯКЪУБ АГЪАДЫ ТЕРЕКЧИГИМ

Хар кюн саиын мен анга
Суу кыуама, ашыгып.
Кыуанчымы ичимде
Туралмайма жашырып


ЕЗДЕНЛАНЫ АЛЬБЕРТ МЕН УЛЛУЧУКЪ БОЛГЪАНМА

Мен школга бармайма,
Окыу а бек билеме.
Кыазладан да кыоркмайма,
Кыоркыганлагга кюлеме

Сеиирсинип бу затха,
Тенгим, бир да кыарама:
Эрттенликде датсадха
Жилямаиын барама

**БАТЧАЛАНЫ
АЛИЙ-МУРАТ**

Ады



Сур Н. Батыроднуду

БАТЧАЛАНЫ БАШИР

ТЮЛКЮЧЮК БЛА ЧАБАКЪ

Тюлкючюк келип суугъа
Кюзтюгеча къарады,
Эспеди да чабакъны,
Шош, шыбыртсыз марады.

Бусагъат тутайым деп,
Жухчугъун суугъа урду,
Бурну ташлагъа тийип,
Эрлай ол артха турду.

Сууну анишге къарап,
Ачыулаанып сирелди:
«Хыйлачы — мен тойюлма,
Ма ол чабакъды!» — деди.

Тюлкючюк андан бери,
Къоркъады да чабакъдан,
Суугъа жууукъ баралмай,
Къараучуду узакъдан.



КЕЧЕРУКЪЛАНЫ БАЙДЫМАТ

ТОЙ БАРАДЫ АГЪАЧДА

Жапгы жылны кечесинде битеу жа-
ныуарла жыйылып, талачыкъла той
этедиле. Уллайгъанла, къарыусузла,
тюккючлеге олтуруп, сейирге къарай-
дыла.

Аладан бир жаплыракъда кюбузту-
ла тойчуланы жарыкъ тепсеулеге учун-
дурадыла.

Аслан дауурбасны къагъады, Тюл-
кю кюбуз согъады, Бёрю сыбызгъысын
сарпатады, Къоянчыкъ а кыйл кюбузун
зыггырлатады:

*Ой-да-ру-да, ой-да-ру-да!
Той барады агъачда!*

Жаппарла, экеу-экеу болуп, тюз
тепсеуде чайкъаладыла, абезехге бара-
дыла. Къаппан негерге Маралны сай-
лап, Жаз Киштик а — Кийик Эчкини,
Бёрю — кюркъакъ Къоянчыкъны, Кир-
пи — Чычханчыкъны...

Терекледе къанатлыла аяусуз къарс

урадыла, олтургъанла да, тѣзалмайын,
алагъа къошулуп, къолларын ойната-
дыла:

Харс-харс! Харс-харс!

Агъачда бу къууанчха къошулма-
гъан жангыз бир жай да къалмагъан-
ды. Угъай, ётюрюк айта турама, ала аз

болсала да, бир-бир эринчекле татлы
жукъугъа батылыпдыла. Жангы жыл а,
келип, бу сейирлик шуёхлукъну бузмай-
ым дегенча, къанатларын кенг жайып,
жарыкъ тойгъа къарайды.

*Ой-да-ри-да, ой-да-ри-да!
Той барады агъачда!*



БАТЧАЛАНЫ
ЗЕМФИРА

КИШИУЧУКЪ

Къолөнчыкъды кишиучукъ, —
Жан-жанына къарайды.
Чычхен туталмаса да,
Чибинлени марайды.

Ач болса уа кишиучукъ:
«Мияу!» — деп макъырады.
«Бир жукъ къапдыр», — дегенча,
Къатыма къысылады.

Мияу-мияу, кишиучукъ,
Сен болурса уллукъ,
Шыхыртлагъа чабарса,
Чычхен тутсанг — къабарса!



Чабдаров Чобраим, СССР-ни самолётла сынауу сыйлы дэтиги



ЕЖЕМЕСЯЧНЫЙ ДЕТСКИЙ ЖУРНАЛ
СОЮЗА ПИСАТЕЛЕЙ КБАССР
И КАБАРДИНО-БАЛКАРСКОГО
ОБКОМА ВЛКСМ

«НЮР» («СВЕТ») № 2
На балкарском языке
Выходит с января 1982 года

Главный редактор
объединенной редакции «СВЕТ»
П. КАЖАРОВ
Редактор журналов «НЮР»
Э. ГУРГУЕВ

Редакколлегия: А. БЕГИЕВ, И. ГАДИЕВ, К. КУЛИЕВ, М. МОКАЕВ, А. СОЗАЕВ, А. ТЕППЕЕВ, Х. ТЮБЕЕВ, Х. ШАВАЕВ. Художественный редактор М. НИПОВ. Макет Ю. ШАВАЕВА.

Рисунок на обложке А. ЖИЛОВА. Тираж редактор С. МУСУКАЕВА. Корректор Р. КУЧМЕНОВА.
Слово в набор 10.12.81. Издано к печати 15.01.82. Формат 60х90. Бумага офсетная № 1. Гарнитура литературная.
журнальная рубрика Печать офсетная. Усл. печ. л. 2. Усл. кр.-отт. 4. Уч.-изд. л. 2,7. Тираж 270 экз. Заявка № 850.
Индикс 33008. Цена 15 коп. Издательство «Эльбрус» Нальчик, ул. им. элм. Головки 6. Адрес редакции: 362001. Нальчик,
ул. им. элм. Головки 3. Полиграфкомбинат им. Революции 1905 года. Госкомиздат КБАССР Нальчик, пр. кн. Ленина, 33.